



GALLIA

GALLIAM SIC DICTAM PUTANT A Galate rege, filio Herculis, qui cōdita urbe Alexia, quā posteris temporibus Iulius Cēsār fregit, in Burgūdia se dem collocavit, à quo regio ipsa Galatia nūcupata fuit. Romani autem dementes unam syllabam pro Galatia Galliam appellauerunt. Alij putant Galliam deriuari à gala lacte, quod Galli candidiores essent Hispanis. Distinxerunt autem ueteres Galliam in Cisalpinam, quæ modo uocatur Lombardia, & Transalpinam. Item in Togatam & Comatā. Comati Galli nutriebāt pilum, Togati detondebāt. Comata diuidebatur in Belgicam, Celticam, & Aquitaniam. Celtica uero distincta fuit in Lugdunensem & Narbonensem seu Bracatam, quibus nostro æuo successerūt Delphinatus, Subaudia, Prouincia & Burgundia. Aquitania tetinuit nomen suum usq; ad tēpora nostra. Ad Belgicam uero olim pertinuerūt Alsatia, Lotharingia, Neustria, Austrasia Brabantia, Flandria, Normandia & Francia.

